

三代寶貝錄


枝

仁和二年一月初三年
八月廿六日迄二十
止

和書門			
二〇冊	九架	一四三函	四七〇五號

庫文閣内		
一三七函	二〇冊	四七〇五號
一	架	類

内閣文庫		
番號	和 44705	
冊數	20 (20)	
函號	137	154



日本三代實錄卷第四十九

起仁和二年十一月

正月

左大臣從二位兼行左近衛大將臣藤原朝臣時平等奉勅撰

二年丙午春正月辛巳朔天皇御大極殿受朝

本朝文粹卷二位記

無位藤原朝臣時平

攝關納言

第上一之男

右可五位下

中務伯禽封魯辟疆侍中咨拜時平名文之

帝自手取

子切良之嫡及以良衣加汝元服鳳毛酷似爵命

朝臣末直理

宜殊可依前件主者施行

仁和二年正月二日

天皇親筆書

養文甲丁戌三
本親作神已本
幸本与合月

貴系之具之

新嘉言在大朝後四位上兼行勘

日本三代實錄卷第四十九起仁和二年正月

左大臣從二位兼行左近衛大將臣藤原朝臣時平等奉勅撰

二年丙午春正月辛巳朔 天皇御大極殿受朝

賀如常儀禮畢御紫宸殿賜宴侍臣雅樂寮奏樂

賜五位已上被ニカシキモラ 二日壬午太政大臣第上之男

時平於仁壽殿始加元服于時年十六 帝自手取

冠カ加其首令主殿助從五位下藤原朝臣末直直理

鬢即日授時平正五位下其告身 天皇親筆書

黃紙以賜之 勅參議左大辨從四位上兼行勘

壬寅甲丁戌三
本親作神己未
辛未与合月

大正朝
賀如常儀
禮畢御紫宸殿
賜宴侍臣雅樂
寮奏樂

日本三代實錄卷第四十九

戊午字向所
本字字元

至子以
下十五
字脫以
類聚國
史補

解由長官文章博士攝朝臣廣相作告身文其所
須冠巾皆是服御之物也公卿大夫會太政大臣
職院直廬稱賀宴飲雅樂寮奉音樂賜五位已上
祿各有差 七日丁亥 天皇御紫宸殿賜宴群
臣觀覽青馬奏女樂賜祿如常儀授无位是行王
兼覽王並從四位下无位幸世王從五位下從四
位上守大藏卿源朝臣定有正四位下右京大夫
從四位下源朝臣至左馬頭藤原朝臣利基无位
源朝臣因紀並從四位上正四位下女行太皇太后

繼作是
者誤正
有藤原
朝臣是
蔭也今
檢類聚
國史改
之

宮權亮平朝臣惟範右近衛少將藤原朝臣清經
並從四位下從五位上守右近衛少將源朝臣湛
肥後守藤原朝臣時長並正五位下中務少輔從
五位下在原朝臣弘景散位藤原朝臣繼蔭並從
五位上散位外從五位下刑部直弘世清江宿祢
貞直正六位上源朝臣朝憲式部大丞從六位上
大江朝臣玉淵散位橘朝臣清樹內藏助從七位
下藤原朝臣高階左近衛將監正六位上藤原朝
臣是蔭諸陵權助藏原朝臣內直太皇太后宮少

本册石
上並三
字以類
補張國史

甲本兩本山
作小

進藤原朝臣是世散位從七位上石上朝臣並松
坂上大宿祢良宗主殿權乞御春日朝臣有世並
從五位下直講從七位下山邊公善直大外記正
六位上高丘宿祢五常左大史大神朝臣良臣皇
太后宮大屬清科朝臣良行侍醫兼針博士阿比
古氏雄並外從五位下八日戊子於大極殿始
講取勝王經以興福寺僧法相宗傳燈大法師位
榮仁為講師天皇御大極殿聽講經授左衛門
大尉正六位上清原真人令望從五位下无位嚴

子女王從四位下无位平朝臣等子正五位下從
五位下山背忌寸大海金子无位藤原朝臣伴子
並從五位上无位藤原朝臣羊子平朝臣靜子伴
宿祢宗子大原真人信子八多朝臣清子並從五
位下正六位上壬生臣金子外從五位下九日
己丑授无位源朝臣連子從四位上十一日辛
卯天皇御紫宸殿所司獻剛卯杖如常儀十
四日甲午大極殿齊講事畢僧綱引有智僧等奉
奏内裏論義如常賜被十六日丙申踏歌之節

三十一卷錄卷四十九

天皇御紫宸殿宴于侍臣宮人踏歌賜祿如常
是日以大學頭從五位上兼守右少辨藤原朝臣
佐世為左少辨大學頭如故從五位下守右衛門
權佐源朝臣希為右少辨從五位上行伊豫介善
淵朝臣愛成為大學博士散位正五位下藤原朝
臣忠主為民部大輔從五位下行大內記菅原朝
臣惟肖為勘解由次官散位從五位下小野朝臣
千里為山城介從五位上安倍朝臣宗行為河內
守從五位下八多朝臣清直為伊賀守從五位下

橘朝臣高庭為駿河介參議正四位下行左近衛
中將兼肥後權守藤原朝臣有實為近江權守中
將如故散位從五位下山口朝臣連松為下野介
正五位下守右中辨安倍朝臣清行為陸奥守散
位從五位下紀朝臣益國為介從五位下大春日
朝臣安永為加賀守左京權亮從五位下藤原朝
臣高尚為越中介散位從五位下有名王為伯耆
守從四位上源朝臣舊賢為備前守彈正少弼從
五位下安倍朝臣肱王為安藝守散位從五位下

小野朝臣當岑為周防守從四位下藤原朝臣直
方為阿波權守從四位下行阿波權守平朝臣止
範為讚岐權守從五位上行式部少輔兼文章博
士加賀權守菅原朝臣道真為讚岐守散位從五
位下葛江我孫良伴為伊豫介外從五位下大外
記高丘宿祢五常為筑後介外從五位下行左大
史大神朝臣良臣為肥後介從四位上行左馬頭
藤原朝臣門宗為肥後權守右馬頭如故從五位
下行式部大丞大江朝臣玉淵為日向守散位從

五位下御春日朝臣種實為鎮守將軍 十七日
丁酉 天皇御建禮門觀射禮親王已下五位已
上先射然後諸衛依次射焉 十八日戊戌 帝
御射殿覽四府賭射日暮 帝射 詔令公卿已
下射之 廿日庚子太政大臣獻物飯六十櫃酒
六十缶魚六十缶菜六十缶納衣物韓櫃二十合
置陳於仁壽殿東庭供御器物金銀華美絲竹備
奏 清和太上天皇第八皇子貞教親王及四位
已上童子者十許人在前教習是日出舞群臣歡

按修名
抄道詞
曲有散
手破陳
樂俗
散手

洽通霄樂飲賀正五位下藤原朝臣時平加冠拜
爵也宴罷之後賜時平御衣一襲 廿一日辛丑
內宴奏女樂喚文人賦詩如常賜綿有美是日
勅聽負教親王舞散于其舞裝束帶劍故持賜之
親王時年十二歲 廿八日戊申申時日右有珥
廿九日己酉太宰府例貢小柑子以十一月三
十日以前為貢進之期先是不立斯限故今定之
二月辛亥朔 三日癸丑左右大臣奉 勅於
左仗下召問拜除之後未赴任吏撰津守從五位

上多治真人藤善伊勢守從五位上藤原朝臣繼
蔭甲斐守從五位下藤原朝臣當興安房守正六
位上當摩真人安民上總介從五位上小野朝臣
国梁隱岐守正六位上伴宿祢有世紀伊守從五
位下伴宿祢春雄肥後守正五位下藤原朝臣時
長豊後守從五位下橘朝臣長茂對馬守正六位
上紀朝臣經業等不進發之狀或誤發期或謝依
病淹留之由 四日甲寅祈年祭如常 五日乙
卯大原野祭如常是日辰時日上有冠左右成珥

七日丁巳釋奠如常從五位下行助教兼越前
介淨野朝臣宮雄發論語題文章生學生等賦詩
如常 十日庚申春日祭如常 十一日辛酉左
右大臣已下就太政官曹司廳列見文武官主典
已上成選之人也 十四日甲子辰時日有冠纓
其色黃白日即宿奎 十五日乙丑園韓神祭如
常新鑄銅印一賜備中國採銅使 勅始自今年
正月以大藏省錢四千文每月令送內膳司以充
供御菜粕新 十六日丙寅 勅遣越前權介從五

位下藤原朝臣恒泉於遠江國雅樂頭從五位下
在原朝臣棟梁於備中國並養鷹ホヤケテ鷄拂取野鳥
廿日庚午山城國山崎津頭失火ミツナカレ延燒居民廬舍
數十字 廿一日辛未以從四位下行權左中辨
兼近江權介藤原朝臣遠經為左中辨近江權介如故
左近衛少將正五位下兼行備前權介藤原朝臣
有穗為右中辨餘官如故侍從從五位下源朝臣
唱為中務少輔散位從四位下源朝臣知為侍從
從五位上行皇太后宮大進菅野朝臣直臣為亮

少進從五位下藤原朝臣常淵為大進散位從五位下小野朝臣喬木為圖書頭大學頭從五位上兼守左少辨藤原朝臣佐世為式部少輔左少辨如故散位從五位下藤原朝臣弥蔭為大學頭外從五位下行直講山邊公善直為助教散位從五位下伴宿祢忠行為刑部少輔從四位下行讚岐權守平朝臣正範為木工頭本官如故從五位下今杖^煇王為內膳正散位從五位下橘朝臣清樹為彈正少弼從五位下行助教兼越前介淨野朝臣

宮雄為左京權亮周防守從五位下小野朝臣當岑為鑄錢司長官周防守如故從五位下行駿河介橘朝臣高庭為山城介散位從五位下三嶋真人宗主為大和權介從五位下行山城介小野朝臣千里為伊勢權介散位從五位下坂上大宿祢春岑為參河權介從四位上源朝臣平為相模權守下野守從五位下源朝臣道為信濃權守從五位下行助教中原朝臣月雄為越前介助教如故散位從四位上源朝臣興範為丹波權守從五位

上安倍朝臣三寅為因幡權守從五位下行主殿
助藤原朝臣末並為播磨大掾勘解由次官從五
位下管野朝臣惟肖為權大掾並本官如故圖書
頭從五位上佐伯宿禰子房為備後權守散位從
五位下源朝臣當元為紀伊權守外從五位下行
筑後介高丘宿禰五常為介從五位下行內藏權
助高階真人忠岑為讚岐權守外從五位下行肥
前介大神朝臣良臣為豐後介從五位上行左兵
衛佐源朝臣昇為左衛門權佐中務少輔從五位

上在原朝臣弘景為右衛門權佐 廿七日丁丑
太上天皇遣參議正四位下行左近衛中將兼
肥後權守藤原朝臣有實奏還六府官人舍人等
帝不奉命即便奉還先遣六衛府官人以下為
太上天皇宮衛今還舊府謙也 三月庚辰朔
二日辛巳 天皇聖體不豫 三日壬午停御
齋奉燈之事 五日甲申 帝近日聖體乖和是
日平復 八日丁亥大風雨電 十三日壬辰暴
風雷雨東寺新造塔火時人謂雷火也 十四日

癸巳賜僧正法印大和尚位遍照食邑百戶聽駕
 輦車出入宮門即勅曰惟公慈化為性保護朕
 躬下朝一夕賴其普道朕所以身膺鴻業至于今
 日豈非公潛衛之力自然冥致耶况公之未及落
 錫朕之始在列藩惟相結恩於中表及其禪律
 交養揚為僧正外認俗務內宗梵行者亦有日矣
 朕俯惟同塵之契遠感利國之誠念其酬貴无忘
 寤寐今別割百戶之封供其禪門之費亦聽駕輦
 車出入宮門留篤情於扶藪加隆遇於坐禪吁嗟

至人懸解上德難名雖物外浮榮知非公好而人
 間崇飭聊寄朕懷義在忘言指不多及朕之審識
 公宜悉之耳 廿一日庚子地震 廿五日甲辰
 勅梵釋寺以十禪師二人供新為別當一人供
 料為恒例 夏四月庚戌朔 天皇御紫宸殿宴
 于侍臣左右近衛府迎奏音樂賜祿有差是日
 詔以正五位下藤原朝臣時平為次侍從 三日
 壬子勅令雲林院每季三月二十一日仁明天
 皇忌日轉四卷金光明經安居一夏之間講妙法

遵華經先是僧正遍昭奏言雲林院是仁明天皇
 之第七皇子常康親王舊居也初親王出家之後
 去貞觀十一年二月十六日親王付屬於遍照云
 仁明天皇仙化之後賜以此院常康別除頭髮歸
 依佛理修練功淺未報萬上故捨此院永為精舍
 欲傳天台之教報先皇之恩若委非其人道則不
 行付得其人業將弥盛今制田園資財永以付屬
 者伏尋親王素意深於報恩志在天台望請為元
 慶寺別院但院中雜事擇遍照門徒中堪事者永

今勾當田園有數支用不_レ定_レ望_レ每年三月二十一
 日先皇忌日演四卷金光明經安居九旬之間講
 妙法蓮華經若非_レ勅許恐有_レ斷絕至是許之是
 日木工寮仕下立縫_レ度麻呂於東宮南門樹下以
 刀子刺殺同僚刑部貞雄捉_レ度麻呂下於獄四
 日癸丑廣瀨龍田祭如常五日甲寅以從五位
 下守右少辨源朝臣希為齋院長官右少辨如故
 六日乙卯大袞於建禮門前以_レ去三日有人死
 穢也七日丙辰式部兵部兩省奏擬階文_レ天

皇不御紫宸殿 勅於省家令行其事是日有大
 鳥集於叅議正四位下行左大辨藤原朝臣山陰
 辨官曹司前為人被射獲 八日丁巳於仁壽殿
 灌佛如常 十一日庚申平野祭如常 十二日
 辛酉梅宮祭如常 十三日壬戌大地震 十四
 日癸亥是夜自子至丑月黑无光寅時自下端稍
 成光 十五日甲子公卿於太政官曹司廳授文
 武官成選位記辨大史宣制式部兵部從事並如
 常式 十七日丙寅令出羽國慎敬園去二月出

羽國飽海郡諸神社邊雨石鏃陰陽察占云宜警
 兵賊由是預戒不虞 十八日丁卯此日天氣陰
 寒人着綿衣是日天顏清朗有温氣 廿日己巳
 式部省奏銓擬郡司簿 天皇不臨御右大臣奉
 勅於近伏下令式部少輔從五位上藤原朝臣
 佐世讀之大臣下筆點定後奏是日雷雨諸衛陳
 於殿前有路女避雨隱立東京三條前近江大日
 基助範宅忽然震死 廿三日壬申諸衛敏皇園緣
 賀茂祭也 廿四日癸酉賀茂祭如常 廿五日

甲戌諸衛解嚴廿七日丙子天皇御武德殿
 閱覽諸牧御馬五月己卯朔日有蝕之五日
 癸未端午之節天皇御武德殿觀四府騎射親
 王己下五位己上貢馬六日甲申天皇御武
 德殿觀覽左右馬寮競走馬及四府種々馬藝
 十日戊子自去七日大雨河水漲溢人馬不通
 十二日庚寅先是石見國迹摩郡大領外正八位
 上伊福部直安道那賀郡大領外正六位下久米
 岑雄等發百姓二百十七人帶兵仗圍守從五位

四方之事
 起之云八
 年六月廿三
 日之文見二

下上毛野朝臣氏永奪取印匙驛鈴等授傍吏
 詔遣式部大丞正六位上坂上大宿祢茂樹推問
 事由刑部省斷云安道應官解任當徒二年贖銅
 十斤岑雄應贖銅九斤自餘人節級處罪延曆寺
 僧一道右京人正六位上藤原朝臣豐基戶口俗
 名教直與安道同謀還俗當徒一年又守氏永為
 安道等所圍之時逃隱於介外從五位下忍海山
 下氏則館夜聞外有數十人聲氏永意以為賊欲
 被害介氏則即同謀也由是以劔毆傷氏則妻下

依字以
類聚國
史補

毛野屎子及從女大田部西子即奪取屎子所着
之太衣一領自被逃去刑部省斷云依律所犯當
近流身帶從五位下請減一等徒三年以從五位
下當徒二年餘徒一年以六位以下當徒一年仍
即解見任職事又氏永毆傷氏則妻之後逃走隱
山中掾從七位下大野朝臣安雄率郡司百姓三
十七人捉獲氏永打縛其身籠閉倉中刑部省斷
云安雄應官解任當徒一年所率郡司百姓節級
處斷去年十月四日刑部省斷文進太政官十二

三神寶錄卷之十九

十一

月二十七日外記覆勘作論奏請公卿署而正三
位行中納言兼民部卿陸奥出羽按察使在原朝
臣行平所執狀四條參議右大辨從四位上兼行
勘解由長官文章博士橘朝臣廣相所執狀七條
並別奏不肯連名其所執狀事多不載二卿別執
遂不省至是加署即日奏聞詔曰宜依省斷
十五日癸巳勅遣左衛門權佐從五位下源朝
臣昇六位下人檢近江國新通阿須波道之利害
十六日甲午公卿就太政官曹司廳任諸國銓

三神寶錄卷之十九

十一

擬郡司宣制如常 十八日丙申授无位在世王
 從四位下于時在世為伊勢齊内親王家別當也
 是日 勅肥後守正五位下藤原朝臣時長攝津
 守從五位上多治真人藤善豐後守從五位下橘
 朝臣長茂甲斐守從五位下藤原朝臣當興等四
 人並降一階下知左右京職追其告身時長等拜
 官經年不赴任國仍有此 勅断也 廿一日巳
 亥 勅次近江國米百斛施捨延曆寺 廿三日
 辛丑大雨夜有流星出自鈎陳歷内階入文昌第

一二星間色青有光 廿六日甲辰降雨天東南
 有聲如雷是日山城因石清水八幡大菩薩宮自
 鳴如擊鼓聲南樓鳴如風波相激成聲經數刻而
 不停神祇官卜云大菩薩心有祈願陰陽寮占云
 可警兵事 廿八日丙午前周防守從五位上紀
 朝臣安雄卒安雄者左京人助教從五位下種繼
 之子也仁明天皇崇經術屢引儒士於前論難于
 時御船宿祢氏主為大學博士種繼為助教 天
 皇喚兩人令論經義氏主執礼種繼舉傳進擊往

復遂无折角當此之時膂力之士左近衛阿乃根
 繼右近衛伴氏長並相撲最手天下無雙 帝號
 氏主為氏長種繼為根繼以戲之安雄父本姓苧
 田讚岐國人至于安雄賜姓紀朝臣為京兆人安
 雄幼以學行見稱性寬厚柔順訓物始補得業生
 天安二年為大學直講貞觀初渤海國王遣使朝
 聘以安雄為存問兼領客使五年授外從五位下
 九年授從五位下轉助教此時有勅擇有識公
 卿大夫撰格式安雄預之十一年遷為勘解由次

官兼下野介十六年加從五位上十八年遷為主
 計頭明年出為武藏守政責簡惠吏民安之秩滿
 般京元慶六年除鑄錢長官兼周防守聲績減於
 武藏景安雄專精經業頗閑詞華重陽之節徵接
 文人卒時年六十五 世日戊申以散位從四位
 下在世王為齋宮頭從五位下坂上大宿祢良助
 為近江大掾良助元慶八年任母憂去職 詔以
 本官赴之 六月己酉朔 七日乙卯下知陸奥
 出羽兩國太宰府令慎警固縁石清水菩薩宮樓

鳴之恠也。勅唐僧湛誓供断日白米三升二合
鹽三合味醬二合淳醬二合醬一合海藻二兩滑
海藻二兩節新白米十斛每年五月十二日以近
江國正稅充之。十一日己未月次祭公卿向神
祇官行事夜。天皇御神嘉殿親供神今食祭。
十三日辛酉。勅授參議正四位下行左大辨藤
原朝臣山陰從三位拜中納言正四位下行右近
衛中將源朝臣直為參議參議右大辨從四位上
兼行勘解由長官文章博士橘朝臣廣相為左大

辨餘官如故從四位下行左中辨兼近江權介藤
原朝臣遠經為右大辨從五位下行越前權介藤
原朝臣恒泉為侍從散位從五位下良岑朝臣遠
年為雅樂頭從五位上守刑部大輔小野朝臣俊
生為摺津守從五位上守大判事平朝臣任世為
甲斐守散位從五位下山口朝臣連松為武藏介
從五位下行主殿助兼播磨掾藤原朝臣末並為
備前介主殿助如故石見權守藤原朝臣氏江為
正守散位正五位下源朝臣淵為豐後守從五位

上行左兵衛權佐藤原朝臣敏行為右近衛少將
 從五位下守雅樂頭在原朝臣棟梁為左兵衛佐
 散位從五位下源朝臣忠相為右兵衛權佐自今
 月朔霖兩京師飢開倉廩賑之ツキカタ十四日壬戌僧
 正法印大和尚位遍昭枕表辭封邑有勅不許二美
 焉十五日癸亥地震十八日丙寅分遣使
 者於九箇寺轉讀大般若經其供新東大寺元興
 寺興福寺藥師寺延曆寺各新錢五貫文西大寺
 法華寺大安寺各四貫文法隆寺三貫文每寺供

名香多少有數以左右衛門府生左右馬寮史生
 充使先是天文博士從八位下中臣志斐連廣守
 奏言近窺天變奉為コト天皇見不祥之氣是故修
 此善焉十九日丁卯以左近衛少將正五位下
 兼守右中辨行備前權介藤原朝臣有總為左中
 辨近衛少將備前權介如故從五位上守左近衛
 權少將平朝臣季長為右中辨信濃守從五位下
 源朝臣道為侍從散位從五位下清江宿祢貞直
 為圖書頭從五位下小野朝臣喬木為刑部大輔

從五位下藤原朝臣世文為宮內少輔從五位上
藤原朝臣貞高為山城權介從五位下巨勢朝臣
御津為下野介從五位下春岳真人冬道為越前
介從五位下布勢朝臣真繼為安藝介從五位下
源朝臣宥為長門介從五位下行助教中原朝臣
月雄為讚岐權掾助教如故本散位從五位上藤原朝臣
是行為肥後守從四位下行木工頭兼讚岐權守
平朝臣正範為右近衛中將餘官如故是日不雨
而雷 勅賜傳燈大法師位賢雲近江國正統稻

四百束 廿日戊辰 勅以清和院稻一千束直
新錢二十貫文付山城國加舉正統收其息利宛
圓覺寺長明燈料先是清和院申牒備圓覺寺是
先 太上天皇始於落饑終於登遐之地也南北
二堂莊嚴佛像定十口僧供給齋飯皆是 先皇
御願也去元慶五年三月十三日 詔列於官寺
訖而明燈未供暗夜難照望請淮安祥寺例以稻
一千束付國司每年出舉請其息利於近寺愛宕
郡充常燈分至是許之 廿一日己巳伊勢齋內

下知委史知
字在圖下
同

親王應取近江國新道入於太神宮仍下知伊勢
國又停伊賀國舊路頓宮下知伊賀國 廿三日
辛未任伊勢齋內親王裝束司正五位下行神祇
大副大中臣朝臣有本左近衛少將正五位下兼
守左中辨行備前權介藤原朝臣有穗六位已下
六人 廿五日癸酉任相撲司以中納言從三位
兼左衛門督源朝臣能有參議正四位下行左兵
衛督源朝臣光參議正四位下行皇太后宮大夫
兼播磨守藤原朝臣國經參議正四位下左近衛

中將兼近江權守藤原朝臣有實參議正四位下
行近江守源朝臣是忠正四位下行左近衛權中
將兼備前守源朝臣興基從四位上行美濃守源
朝臣貞恒從五位上守左近衛少將兼讚岐介藤
原朝臣高藤左衛門權佐從五位上源朝臣昇從
五位上守左少辨兼行式部少輔藤原朝臣佐世
左近衛權佐從五位下藤原朝臣恒興從五位下
行左馬助藤原朝臣連並十二人為左司正三位
行中納言兼民部卿陸奧出羽按察使在原朝臣

行平參議正四位下行右兵衛督兼伊豫權守源
朝臣冷參議正四位下源朝臣直參議正四位下
行右衛門督藤原朝臣諸葛大藏卿正四位下源
朝臣定有散位從四位上源朝臣是負右近衛中
將從四位下兼行木工頭讚岐權守平朝臣正範
右近衛少將正五位下兼行越中守源朝臣湛右
衛門佐從五位上平朝臣季式從五位上守右兵
衛佐源朝臣元從五位下行右馬助在源朝臣載
春齋院長官從五位下兼守右少辨源朝臣希十

二人為右司左右大臣已下於左伏下先議定差
外記賣參議等向太政大臣里第視之其後賜中務
省於外記候廳拜除即時左右司各就左右衛門
府始行事承前之例始行事之時各發音樂而皇
妣贈太皇太后忌當今月晦日仍隨停止 廿六
日甲戌勅以三品行中務卿貞保親王為右相
撰司別當去元慶八年以二品行式部卿本康親
王為左相撰司別當今不改 廿八日丙子授常
陸國正六位上卿造神從五位下 廿九日丁丑

卷之九
三十一

晦大後於朱雀門前如常是日三品紀伊內親王
薨不任緣葬之所司以喪家固辭也皇帝不視
事三日內親王者桓武天皇之第十五女也母從
四位下藤原朝臣河子從四位上大繼之女內親
王與仲野親王同產也天長元年春授四品仁和
之初進三品薨時年八十八。秋七月戊寅朔
三日庚辰自在相撲司緣贈皇太后忌日及內親
王薨未發音樂之聲是日始發孝勅參議已上
就廳座聽政者外記須每日記錄每月一日十六

字向所本處
言生本由作田

日兩度進藏人所。四日辛巳廣瀨龍田祭如常
是日僧由蓮卒由蓮俗姓源朝臣嵯峨太上天皇
之子也母惟良氏由蓮在俗名勝夙離塵累歸依
佛道性聰明多涉內典兼好老莊尤有切忠所作
究妙素。五日壬午勅宛延曆寺西塔院釋迦
佛夜長明燈油每日二合但正月十四日箇日每
日一升僧五口供粉每日白米各四升六合割近
江國正稅稻一萬五千束出舉用其息利若有未
納以正稅稻充其供粉其燈油以米交易歲初惣

忝作忝
止作延
搆作搆
今以杖
桑略記
正
損辰二字未詳杖桑略記亦作損辰

送其用途并算數副稅帳言上長官勾當國司近
程濟自今以後立為恒式先是院主傳燈大法師
位延巖葵言故先師贈法印大和尚位寂澄創建
此寺鎮護國家造藥師佛像安置東塔院造釋迦
佛像安置西塔院並充任持之主師為傳法之本
每日長講法華仁王金光明等經奉誓國主迴向
寧土次師座主傳燈大法師位圓澄受先師之付
屬掌西塔之佛事延巖葵以非器忝繼末塵幸從
聖主龍潛之時損辰息慈賜令止待修搆佛殿得

禦風雨自非

眷顧何能如此伏望置僧五人晝

則轉讀御願大般若經夜則念誦釋迦佛名真言
五僧永供准定心院被官宛補以為永例至是許
之 七日甲申源朝臣寂子卒 今上之女也
上不視事三日 十五日壬辰山城守從五位上
興我王男安平篤行有本内行潔姬等五人賜姓
平朝臣以山城國紀伊郡官田七段百二十步給
右京人正六位上行右少史兼明法博士凡直春
家等六人口分 廿二日己亥律師法橋上人位

隆海卒隆海俗姓清海真人氏左京人也生於攝津國家在河上漁捕為業隆海年甫數歲從漁父出遊水上當國講師藥圓見而異之共載而歸久之藥圓付屬律師願曉令受三論宗義年二十奉年分試是時監試法俗相議令諸宗學徒互相難問取其拔萃者為得第隆海詞致清遠眾不敢流覽試官人評議擢為甲科律師中繼感其神悟授以法相宗義承和二年受具足戒詣平城第三皇子法名真如受真言法負觀十一年為大和國講

師十六年為維摩會講師諸宗僧相分碩學論難鋒起隆海隨方辨折成出問表元慶六年為權律師明年改權為正隆海患風疾心神疲茶告謂弟子曰就命時至當修往生之業盥手漱口面向西方觀念阿彌陀佛每修十念誦竜樹菩薩及羅什三藏弥陀讚至于命終其聲不絕又每日沐浴如此三日披閱无量壽經誦其要文命弟子掃地震席曰坐其上至於夜分安坐氣絕弟子等令北首卧明朝見右手結无量壽如來印積薪焚身火滅

形碎唯印不爛卒時年七十二隆海綜敷經論章
 疏文義撰二諦義一卷方言義一卷四諦義二卷
 二智義二卷二空比量義二卷曰明九句義二卷
 廿四日辛丑夜有流星出從大陵以担傳余入
 華蓋其色青 廿五日壬寅 天皇御紫宸殿觀
 相撲親王公卿並待所司供奉如常儀 廿六日
 癸卯 天皇御紫宸殿觀相撲左右司進奏樂日
 暮雜樂競作 廿七日甲辰 天皇御紫宸殿閱
 覽左右相撲人等形體訖較量強弱召合令相撲

日暮右近衛府奏樂 廿九日丙午夜亥時紫宸
 殿前有長人往還徘徊內豎傳照者見之惶怖失
 神右近衛陣前燃炬者亦復得見其後左近衛邊
 有如絞者之聲世謂之鬼絞也 八月丁未朔釋
 奠如常祭禮畢太政大臣入廟拜文宣王影公卿
 大夫畢會令明經博士講論周易文章生等賦詩
 如常 二日戊申明經博士率得業生學生等奉
 參內裏 天皇御紫宸殿引見博士等一上令論
 五經義賜祿有差 四日庚戌 勅令安房上總

本所作
家應作
實義不
通今批
扶乘略
記改

等國重警不虞先是安房國言上去五月二十四
日夕有黑雲自南海群起其中現電光雷鳴地震
通夜不止二十六日曉雷電風雨已時天色清朗
砂石粉土遍滿地上山野田園无所不降或所厚
二三寸或處僅蔽地稼苗草木皆悉凋枯馬牛食
粘粉草苑斃甚多陰陽寮占云鬼氣御靈忿怒成
祟彼國可慎疫癘之患又國東南將有兵賊之亂
由是預令戒嚴以河內國大縣波河兩郡官由十
町八十六步給內記要劇料攝津國嶋上嶋下豐

嶋河邊武庫免原八部能勢八箇郡官由四十七
町一段百二十二步給主計寮要劇并番上新山
城國乙訓愛宕紀伊三箇郡官由三十五町二段
百二十九步給勘解由使要劇并番上新 七日
癸丑自去四日霖雨至此大風雨洪水分遣使者
於賀茂上下松尾稻荷貴布祢丹生河上六社奉
幣祈止雨告文曰 天皇我詔旨上掛畏岐松尾
大明神乃廣前申賜倍申方今秋稼乃登茲留時
奈大神乃厚護余依之風雨乃灾不起天之五穀豐

稔倍之上所念行須故是以正親司令史從八位

上齋部宿祢岑吉乎美使天禮代乃大幣帛乎令

捧持天奉出須此狀乎神奈可聞食天風雨之灾

防除給比五穀茂盛仁天下饒足之賜天皇朝

廷乎室祚无動久常盤堅磐今夜守日守利護幸

奉賜倍恐美恐天申給止申自餘社告文准此丹

生河上貴布祢二社加奉白馬各一疋九日乙

卯勅以雲林院安居講預元慶寺階業之例以

彼院為元慶寺別院也十二日戊午西京衛士

所居坊失火延燒百餘家十四日庚申任伊勢

齋内親王行禊次第司以從五位上左少辨兼

行式部少輔藤原朝臣佐世為御前長官式部大

丞正六位上藤原朝臣興範為判官大錄正六位

上香山宿祢弘行為主典兵部少輔從五位下橘

朝臣茂行為御後長官大丞正六位上藤原朝臣

安柯為判官少錄正六位上山田宿祢方興為主

典於式部省除以中納言從三位兼行左衛門督

源朝臣能有參議正四位下行右衛門督藤原朝

臣諸葛參議正四位下行皇太后宮大夫兼播磨
守藤原朝臣國經參議正四位下行左近衛中將
兼近江權守藤原朝臣有實從四位上行左京大
夫在原朝臣守平從四位上行右馬頭藤原朝臣
門宗從四位上行左馬頭藤原朝臣利基左近衛
少將正五位下兼守左中辨備前權介藤原朝臣
有穗等八人為行襖陪從以正三位行中納言兼
民部卿陸奧出羽按察使在原朝臣行平參議左
大辨從四位上兼行勘解由長官文章博士橘朝

光季史作兄而
已亦如旧

有司史作收
司

臣廣相治部卿正四位下源朝臣本有散位從四
位上源朝臣長猷等四人為送齋內親王使以中
納言從三位藤原朝臣山蔭左近衛少將正五位
下兼守左中辨行備前權介藤原朝臣有穗右大
史正六位上惟宗朝臣安光中務少丞從六位上
藤原朝臣高用等四人為長奉送使十五日辛
酉天皇幸神泉苑觀魚木澳工寮獻物信濃國貢
駒是日依例入京帝有意閱覽臨幸此苑而有
司懈怠遂不牽來十六日壬戌勅以丹後國

丹波竹野兩郡熟田百四十三町三段三百十六
步荒田十二町七段七十步為後院田十七日
癸亥天皇御紫宸殿覽信濃國貢駒十八日
甲子天皇聖躰不豫太政大臣及諸公卿侍宿
殿上遣使者於近京諸寺修轉念功德廿日丙
寅勅以從四位上行兵部大輔四友王從四位
上行彈正丸弼雅望王散位從四位上源朝臣載
有散位從四位下源朝臣有等四人為齋內親王
入伊勢太神宮前駢廿七日癸酉大雨廿九

日乙亥晦大袂於朱雀門前以齋內親王未月應
久伊勢太神宮也九月丙子朔三日戊寅停
御潔齋燒燈之事四日己卯辰時雷雨伊勢齋
內親王明日可修禳事大藏省預於葛野河邊裝
束建握不風不雨忽然破割就而見之為雷所震
裂也詔授陸奥守正五位下安倍朝臣清行從
四位下肥後守從五位上藤原朝臣是行正五位
下並引入仁壽殿東廂賜告身拜舞而出申時於
建禮門前修大袂以明日奉伊勢太神宮神寶使

可進發也于時雷電大雨人不獲往還諸衛警陣
 於殿前五日庚辰停齋內親王行禊之事以去
 二日中務省犬死穢未滿忌限也奉太神宮神寶
 使左大史正六位上善世宿祢有與史生二人官
 掌一人進發元伊勢太神宮神寶二十年一度改
 作前任之後十九年于茲雖未滿限改造既畢仍
 奉之是日諸司廢務而神祇官不進解又責過狀
 七月壬午齋內親王今日修禊葛野河九日擬
 入太神宮內親王忽有月事然太政大臣堀河邊

然委史云丁
本温古堂本作亦

第犬死觸穢之人參入內裏由是停不行九日
 甲申重陽之節天皇御紫宸殿宴于群臣奏樂
 賦詩如常賜綿各有差十一日丙戌奉伊勢太
 神宮例幣之使是日可發去七日有大斃穢因而
 停止亦不廢務午刻地震自亥子有大鈴聲當左
 仗上鳴於空中寅時亦鳴焉十二日丁亥為發
 遣奉伊勢太神宮幣使天皇欲御大極殿乘車
 未出有人奏聞書所犬死於是太政大臣及諸公
 卿議曰書所者在宮門左右衛門陣之內若當行

與委史同

神事諸司有穢立札於衛門陣告知事由不聽出入為禁禁中也依此論之可謂禁中穢也仍不臨御即使遣中納言從三位藤原朝臣山陰於建春門前左衛門陣外召散位從五位下齊世王授告文令發行其告文取太政大臣里第紙召在外之內記令書之在勾紙并內記居禁中染穢故也十七日壬辰內裏犬死齊內親王今月十九日欲後解除依穢而停公卿於左衛門陣召神祇官陰陽寮占定吉日更二十四日為期廿三日戊戌

詔齊內親王行禊改二十四日定二十五日廿四日己亥辰時鷲集紫宸殿前版下廿五日庚子天皇御大極殿發遣伊勢齊內親王廿七日壬寅賀茂神社邊有狼喫牧人行人相逢以刃刺殺廿日乙巳奉送伊勢齊內親王使中納言藤原朝臣山陰二十八日奏狀今日申時到來備今自巳時王輿出自近江國垂水頓宮酉時到伊勢國鈴麻頓宮戌時西垣之外一借屋火內親王乘更衣滋野朝臣直子車出於頓宮即遣守藤

原朝臣絰陰看舊近衛等救止不能撲滅西風无
扇火勢甚熾遂及寢殿匣殿等延燒四屋以垣外
借屋為寢殿安置内親王召問寮司申云火發自
舍人長儀部豐滝宿舍也賜山陰手勅曰須過七
箇日入齋宮若有物煩不可過七日者解謝早可
入。冬十月丙午朔日有蝕之。二日丁未。天
皇御紫宸殿賜宴侍臣親王太政大臣及參議已
上並侍殿座六府奏番上簿於庭左右近衛府近
奏音樂酣暢之後勅命參議右衛門督藤原朝

限以五日
日新帝
病平愈

臣諸葛彈和琴王公並作歌。天皇自歌宴樂畢
景是日大學寮獲白龜一獻之。四日己酉。天
皇聖躬不豫分馳使者於近都諸寺修功德奉祈
之。五日庚戌。帝病未損親王公卿皆侍亦於
諸寺轉經。六日辛亥。詔左右檢非違使免輕
罪繫囚二十二人。囑梵釋寺十禪師朗善奉加持
。九日甲寅令陰陽寮於承明門前修祭祀攘邪
氣也。十一日丙辰延福延曆寺座主圓珍於紫
宸殿修護摩法限以五日。祈。帝病平愈也。十

也云十
字按來
略記云
限以五
箇日御
極平愈
了帝深
以感服
勅云公
有何希
乎和尚
三善徒
之外无
所求之

三日戊午 勅无姓者其名清實賜姓滋水朝臣
貫右京一條先是二品行式部卿木康親王右大
臣從二位兼行左近衛大將源朝臣多彥議正四
位下右兵衛督兼伊豫權守源朝臣冷叅議正四
位下左兵衛督源朝臣光等請闕上表曰清實依
身有過被削屬籍經歷十年天地不容日月不照
率土之濱獨無所庇由是前日奏聞准貞朝臣登
之例可賜別姓之狀老心有宥忠仁及善辛恩 詔
優容扞躍難測伏望被此姓許之登是 仁明天

皇之子母三國氏也清實 今上皇子母布勢氏
以過被削籍也 十四日己未令美濃國班給百
姓口分田 十九日甲子 勅以山城國乙訓紀
伊宇治郡官田三十二町五段二百二十七步和
泉國大鳥郡官田七町攝津國嶋上嶋下河邊武
庫荒原八部有馬郡官田五十二町八段三百十
一步賜典藥寮為月料田 廿五日庚午 天皇
御紫宸殿右近衛右衛門右兵衛等三府及右馬
寮獻物去五月六日競走馬之輸物也親王公卿

三神實錄卷之十九

三十三

出居侍從皆侍殿座右近衛府奏音樂散樂雜伎
莫不極盡賜祿各有差美史元廿六日辛未電雷暮雨
廿七日壬申 勅以伊豫國正統穀千斛讚岐
國千斛充齊宮寮承前之例齊內親王入太神宮
之後以伊勢國正統穀三千斛資新居之費今迴
換以充之 廿九日甲戌正二位藤原朝臣多美
子薨右大臣贈正一位良相朝臣少女 清和太
上天皇之女御也性安祥容色妍華以般德見稱
貞觀五年冬授從四位下六年春正月朔日 天

皇加元服此夕以選入後宮有專房之寵以頃為
女御是年秋進從三位九年加正三位元慶元年
授從二位七年至正二位德行甚高為中表所依
懷素 天皇重之增寵異於他姬 天皇入道之
日出家為尼潔齋勤修晏駕之後叔拾推生前賜御
筆手書作紙以書憲法華經設太齋會恭敬供養
奉酬 太上天皇不次恩德也即日受大乘戒聞
而聽者莫不感歎發奄薨 十一月丙子朔
天皇御紫宸殿中務省暉陰陽寮官人曆博士等

三代實錄卷四十九

職員全
軍團六
殺一人
掌捺拔
兵士元
備式共
調習弓
馬簡閱
陳列陣

庭奏進御曆六府奏番上簿 九日甲申平野春
日祭並如常 十日乙酉梅宮祭如常 十一日
丙戌 勅分出羽國最上郡為長門國軍殺一
人主帳一人始給職由 十四日己丑園韓神祭
如常授長門國從四位上佐吉荒魂神正四位下
從五位下宮城神從五位上丹波國正六位上為
與熊神從五位下 十五日庚寅鎮魂祭如常授
河內國從五位下垂水神二前並從五位上 十
六日辛卯 天皇御神嘉殿親奉新嘗祭 十七

多都美加賀
今松垣一式改多
祁美加加

神名帳
常陸國
那賀郡
阿波山
上神社
今此書
脫山上
二字缺

日壬辰 天皇御紫宸殿賜宴群臣奏大歌五節
舞賜祿各有美 廿三日戊戌伊豫國新居郡始
置主政一人 廿五日庚子授伊豆國正五位下
楊原神正五位上正六位上多都美加賀神正
五位下 十二月乙巳朔 九日癸丑授常陸國
從五位下阿波神從五位上 十日甲寅神祇官
奏 御體上 天皇不御紫宸殿中納言從三位
藤原朝臣山陰執奏 十一日乙卯月次神今食
祭 天皇不御神嘉殿親主公卿向神祇官行事

姜史騰作滕
下同

十四日戊午行幸芥川野寅，二尅鸞駕出建禮
 門到門前駐蹕，勅賜皇子源朝臣諱^{定省}朱雀太皇
 劔是日，勅參議已上着摺布衫行騰別，勅皇
 子源朝臣諱散位正五位下藤原朝臣時平二人
 令着摺衫行騰，意辰一尅至野口放鷹，鷄拂擊野
 禽山城國司獻物，并設酒禮飲獵徒，日暮乘輿幸
 左衛門，佐從五位上藤原朝臣高經別墅奉進夕
 膳，高經獻物，賜從行親主公卿侍從及山城國司
 等祿，各有羌夜鸞輿還宮，是日自朝至夕風雪條

又禮作醴

烈矣，十八日壬戌，詔授左衛門佐從五位上
 藤原朝臣高經正五位下，以帝幸其別墅，故有
 此，加系越中，國新川郡擬大領正七位上，伊祿頭
 臣真益以私物助官用，代濟民濟公仍授借外從
 五位下，是日左大臣及參議正四位下源朝臣直
 於左伏下，定荷前使，并元日大極殿侍從十一月
 可行此事，延而至今，緩也，蓋是經營行幸之事，歟
 十九日癸亥於仁壽殿始修佛名懺悔限三日，
 訖廿五日己巳行幸神泉苑觀魚放鷹，集令擊

水鳥自彼便幸北野從禽御右近衛府馬埽庭令
馳走左右馬寮御馬是日常陸太守貞固親王
扈從太政大臣奏言遊獵之儀宜有武備親王腰
底既空請賜帶釵帝甚欣悅即勅聽帶釵取
中納言兼左衛門督源朝臣能有釵令帶之日暮
還宮廿六日庚午天皇御建禮門分遣使者
於諸山陵墓獻荷前幣廿八日壬申授從五位
下橘朝臣伊子從五位上令讚岐國諸郡大少領
主政主帳正負之外每色各任權負一人是日公

卿於外記候廳毀罪人石見守從五位下上毛野
朝臣氏永散位從七位下大石福麻呂等位記中
務式部刑部等省丞錄從事以藥師寺僧傳燈大
法師位隆光興福寺僧傳燈大法師位豐忠並為
權律師世日甲戌大祓追離如常

右四十九年以白鳥本校之執中初一章九六一章脫落不傳校
安政二年乙卯五月十二日
新居正方

日本三代實錄卷第四十九

日本三代實錄卷第五十

起仁和三三年正月盡八月二十六日

左大臣從二位兼行左近衛大將藤原朝臣時平等奉勅撰

三年春正月乙亥朔廢朝兩也 天皇御紫宸殿

賜宴侍臣雅樂寮奏音樂日暮賜被是日七曜御

曆藏米糠腹赤御贄等所司付内侍所奏縁兩濕

天皇御紫宸殿賜宴群

並史考異云滿本兵部内本史作兵部今從之改訂

按本史仁和三三年三月廿五日壬酉右兵部督兼伊与推守
源朝冷十月三日戊午右兵部督兼伊与推守源
朝長冷此諸道往西有又仁和三三年六月廿六日
而右兵部督兼源朝臣滿葛正後可知

左 詔授無
右 兵衛督源
下行方王從

並史考賜
二字元

日本三代實錄卷第四十九

日本三代實錄卷第五十

起仁和三
年正月
二十六日
盡八

左大臣從二位兼行左近衛大將臣藤原朝臣時平等奉勅撰

三年春正月乙亥朔廢朝兩也 天皇御紫宸殿

賜宴侍臣雅樂寮奏音樂日暮賜被是日七曜御

曆藏冰樣腹赤御贄等所司付内侍所奏綠兩濕

不奏於庭 十七日辛巳 天皇御紫宸殿賜宴群

臣觀覽青馬奏女樂宴竟賜祿各有差 詔授無

品貞元親王四品參議正四位下行右兵衛督源

朝臣冷從三位無位興統王從四位下行方王從

左字脫
以類聚
國史補

五位下民部大輔正五位下藤原朝臣忠生左近
衛少將兼守左中辨藤原朝臣有穗散位藤原朝
臣時平並從四位下右衛門佐從五位上平朝臣
季式正五位下從五位下行大和介橘朝臣氏繼
少納言兼侍從大江朝臣公幹大皇太后宮大進
藤原朝臣秀貞左兵衛權佐藤原朝臣恒興並從
五位上正六位上源朝臣見太皇太后宮少進正
六位下藤原朝臣枝良左兵衛少將尉文室朝臣茂
典左衛門少將藤原朝臣宜ヨシ一字朝民部少丞藤原朝臣

本撮作
祿實作
實以類
改國史

大外記並史
並區志本
作内仁和三
年二月十七
文有太内記
係野朝良
幹清本一詞

野風右近衛將監兼周防掾良岑朝臣時實左近
衛將監藤原朝臣有命了十大外記内滋野朝臣良幹二文
章生橘朝臣有株式部大丞藤原朝臣興範内膳
典膳宗實人朝臣淨雄少内記三善宿祢清行散位
和朝臣好道等並從五位下左大史正六位上善
世宿祢有友大外記大藏伊美吉善行直講直道
宿祢守永主計權助大藏伊美吉岑雄木工大允
猪名部造有吉左近衛將監兼播磨權少掾壬生
直益成等並外從五位下八日壬午於大極殿

始齋講最勝王經以東大寺僧法相宗傳燈大法
師位平仁為講師雅樂容舉音樂如常詔進從
三位諱女王階皇太加從二位授女御從四位下
藤原朝臣任美子正四位下掌侍正五位下春澄
朝臣洽子從四位下无位藤原朝臣賀子從五位
上外從五位下賀陽朝臣乙三野无位藤原朝臣
澄子藤原朝臣鯨子藤原朝臣保子宗人朝臣有
子藤原朝臣安子並從五位下十四日戊子大
極殿齋講事畢僧綱引名僧奉茶內裏於佛前論

佛理施御被而罷正三位行中納言兼民部卿陸
奥出羽按察使在原朝臣行平上表曰臣行平言
臣聞年滿致仕人臣之定節也職罷賜聽人君之
恒規也仰恒規於歸骸行瞻自盡知定節於止足
趨走何堪臣誤藉時來枉登華顯寵光之榮已極
盛於生成鴻濡之潤甚深過於涯分今臣齡至七
旬位高三品薄冰隨步迷鐘鳴於夜行臨深谷顛
恐漏盡於陰罪嗟呼臣性愚蒙流汗於絳縣老同
貞於白首即臣鬚霜雪逢名遂之時行身退之道

臣本聞焉當懸車之年負竊位之責臣所愧矣伏願陛下養臣以罷所職優臣以賜放歸令老有所終責得所塞不堪悃歎之至謹拜表以聞 勅 答曰勅中納言在原朝臣省來表悉所陳卿松柏之貞珪璋其德憂國無形於顏色愛君无惜其身敷腎腸而能屈伸有常終始以道謙之援古人之義仍與太老之嗟知卿有懇誠寧使朕无疾舌卿其抑知止絕遣采勉體虛壞仍斷固請魏元陽之就第當下後年薛廣德之懸車莫視今日

十六日庚寅踏歌之節 天皇御紫宸殿宴于侍臣王公並侍雅樂寮奏樂宮人踏歌如常儀賜祿各有差 十七日辛卯 天皇御建礼門觀射禮親王已下五位已上並射訖四府依次射 十八日壬辰 詔遣參議藤原朝臣國經盡昨未射者 天皇御射殿覽四府賭射 廿日甲午內宴於仁壽殿文人被喚頭席者十人賦詩內教坊奏絲竹妓歡暢畢景賜祿各有差是日 詔授正五位下在原朝臣文子從四位上從五位下文室朝

政和云妓當
作伎而諸
本皆悉作
妓故敢不改

徑良子无位藤原朝臣年芳子並從五位上无位
大原真人數世從五位下廿九日癸卯勅以
傳燈大法師位益信傳授河關梨位權預
甲辰大雨○二月乙巳朔大藏省奏言昨夜偷兒
穿正藏院庫壁盜取官物多少難記遣檢非違使
索三六悉二日丙午以從五位下行少內記三善宿
祢清行為大內記從五位下行式部大丞藤原興
範為掃部頭從五位下守刑部大輔小野朝臣喬
木為山城守從五位上守宮內大輔源朝臣齋為

大和權守大輔如故從五位下守圖書頭清江宿
祢貞直為和泉守掃部頭從五位下在原朝臣一
貫為攝津守散位從五位上藤原朝臣繼蔭為伊
勢守從五位上橘朝臣菅蔭為尾張介前遠江守
從五位上藤原朝臣清保為遠江守散位外從五
位下山口朝臣岑世為伊豆守從四位下行左馬
頭藤原朝臣利基為相摸守左馬頭如故從五位
上守大藏大輔源朝臣建為介齋院長官從五位
下兼守右少辨源朝臣希為近江權介餘官如故

散位從四位下藤原朝臣諸藤為美濃權守從五位下守左衛門權佐藤原朝臣良積為介散位從五位下多治真人安方為越前介從四位下行中務大輔十世王為加賀權守中務大輔如故從五位上內藥正兼侍醫針博士深根宿祢宗繼為介餘官如故從五位上行民部少丞藤原朝臣野風為越後守散位從五位下藤原朝臣仁道為介從四位下行民部大輔藤原朝臣忠主為丹波守從五位下行主水正忠臣王為丹後守勘解由次官

從五位下兼守大判事惟宗朝臣直宗為播磨大掾餘官如故從四位上彈正大弼雅望王為美作權守大弼如故散位從四位下藤原朝臣清經為周防權守外從五位下矢田部造利人為長門介外從五位下佐伯直清氏為淡路守從四位上源朝臣國紀為伊豫權守從四位下藤原朝臣保則為守主計頭從五位上宮道朝臣弥益為權介本官如故散位從五位下橘朝臣興門為肥前守三日丁未釋奠祭禮既畢親王已下就御座從五

位下行助教淨野朝臣雄發春秋題文章生學生
等賦詩如常 四日戊申祈年祭并春日祭如常
五日己酉奪美濃下野若狹能登越中越後丹
後但馬因幡伯耆石見等國司位祿公解以貢調
違期也舊制貢調違期國司五位已上科違 勅
罪六位已下不論蔭贖決笞六十今改前格施此
新制 九日癸丑 勅賜皇女秩子姓源朝臣信
濃國例貢梨子大棗吳桃子雉脂別貢梨子大棗
等貢獻之期元不立制太政官議定例貢每年十

貢十一月四

月別為期立為恒例 十一日乙卯公卿就太政
官曹司廳列見文武官成選人 十四日戊午正
三位行中納言兼民部卿陸奧出羽按察使在原
朝臣行平重抗表曰臣行平言中使左近衛少將
藤原朝臣高藤至伏奉 勅旨不聽臣致仕抑遏
臣乞身綸綽出而成文恩湛重霞毫毛酬而无効
首戴高出臣尸素尚矣妄濫虞舜之官老耄及焉
空忝王戎之任焦思之憤已滿將脫累於薄葦噬
臍之悔不休願避路於振領苟身職之戒違史策

名而
臣自何取況臣負新寄實伏枕留魂每歎蒲柳之
委風唯盛葵藿之向日誠切莊鴻欲表懲越之聲
若同劉公逐移卧漳之病今陛下優臣既以國
土之分臣訥陛下豈以衆人之心雖云踣踣迷
方雖云塞温辛適不志奉身而退猶甘量力而行
臣情見於辭淚隨於汙宸發鑿實息許罷官不任
悃悃之至重以奉表以聞 詔不許 十六日
庚申 勅以更衣從五位上藤原朝臣元善為女
御中納言從三位山陰之女也 十七日辛酉以

散位從五位下藤原朝臣在公為圖書頭從四位
下行太皇太后宮權亮平朝臣惟範為民部大輔
本官如故散位從五位下善世宿祿有友為主稅
權助正五位下行土佐權守惟良宿祿高尚為大
藏大輔從五位下越中權介藤原朝臣高松為左
京亮外從五位下音博士惟宗朝臣永宗為撰津
介正四位下行左近衛權中將源朝臣興基為伊
勢權守權中將如故散位從五位下藤原朝臣直
行為介從四位下源朝臣有為尾張權守治部少

輔從五位下平朝臣基世為相摸權介從五位下
行下總介飯高朝臣貞宗為守四品貞元親王為
上野太守從五位上行左京亮藤原朝臣真常為
權介治部大輔正五位下橘朝臣休蔭為越中守
大輔如故從四位上行大舍人頭有佐王為越後
權守本宮如故從五位上行少納言兼侍從橘朝
臣春行為美作權介本宮如故從五位下大內記
滋野朝臣良幹為備後介外從五位下行陰陽博
士山林山林三日佐得道為紀伊權掾陰陽博士如故從

山林三
字行

五位下南淵朝臣良臣為阿波介良臣元慶八年
三月任遭母憂去職今奪情起之散位從五位下
藤原朝臣時佐為肥前介從四位下藤原朝臣時
平為左近衛權中將。三月乙亥朔授豐後介外
從五位下大神朝臣良臣從五位下先是良臣白
官披訖淨御原天皇壬申羊入伊勢之時良臣高
祖父三輪君子首為伊勢介從軍有功卒後贈內
小紫位古之小紫位准從三位然則子首子孫不
可叙外位於是下外記而考實之外記申明云贈

日本
天武
天皇
越前
山
全伊
發麻
田司
三
万
介

三輪君
子首等
參遇千
餘麻郡
則且發
五万馬
塞餘亦
山道云

從三位大神朝臣高市麻呂從四位上安麻呂正
五位上柏麻呂兄弟三人之後皆叙內位大神引
田朝臣大神權田朝臣大神掃石右朝臣大神真神田
朝臣等遠祖雖同派別各異不見應叙內位之由
加之神龜五年以降有格諸氏先叙外位後預內
叙良臣カ大姓大神真神田朝臣也子首カ之後至于全
雄元預五位者今請叙內品事求格旨 勅毀良
臣及故兄全雄外位告身ヲ特持賜內階 三日丁丑
御齋燒燈如常 八日壬午以玄蕃頭從五位下

小野朝臣子邦為右京亮肥前守從五位下橘朝
臣興門為大和守從五位下行伊勢權介小野朝
臣千里為因幡權介右京亮從五位下伴連真宗
為伯耆守散位從五位下藤原朝臣藤宗為肥前
守 九日癸未 勅以傳燈大法師位聖寶傳授
調帝考期阿闍梨位灌頂 十一日乙酉長門國司言調庸朝民部
省式曰凡貢調庸者長門國限明年四月伊豫國
限二月但宇和喜多郡限三月越後佐渡隱岐限
七月自餘如令者又曰未進調庸物伊豫國宇和

三輪君
子首等
參遇千
餘麻郡
則且發
五万馬
塞餘亦
山道云

喜多兩郡明年六月晦日越後佐渡隱岐十二月
晦日以前進訖者又齊衡二年五月十日格曰當
年未進來年不究者主計寮具錄未進數明年三
月以前移主稅寮即役國司公廨者今案伊豫國
宇和喜多以三月為貢調期猶以六月晦日為究
未進之期長門國以四月為貢調限究未進之期
隨可有其程而未看別制但其格文所稱以明年
三月以前為役公廨之限者是為調物當年貢納
諸國所制也而所司偏稱究未進之期元有明文

准調物當年貢納諸國之例以明年三月以前為
役公廨之限也事出格式之外甚為困弊之愁望
請准伊豫國宇和喜多兩郡并越後佐渡等國例
延究未進之期免役公廨之責 勅聽焉 十四
日戊子 勅加試延曆寺年分度僧二人其一人
大毗盧遮那經業為大比叡神分其一人一字佛
頂輪王經業為小比叡神分先是彼寺座主前入
唐尋教釋法眼和尚位圓珎上表言國之為國本
依設禮人之為人亦由行礼故書曰人有禮則安

七上
輪二
說以元
取神

元本
同

軍事守明
四字依三代
拾補

三代拾錄作
山

無禮則危經曰人能行礼得生天上是知內經外
書以礼存立故祖師法印大和尚位寂證延曆末
年奉使入唐未法事訖迴請於當羽公監旦明州
主朝議即使持節明州諸州刺史上柱國紫陽鄭
審則批判求法目錄稱寂澄開梨性稟生知之才
来自礼義之國南登天台之嶺窮智者之法門西
泛鏡湖之水探灌頂之神秘可謂法門龍象青蓮
出池者然則西朝重我國家稱為礼義之鄉當寺
法主大比叡小比叡兩明神陰陽不測造化无為

弘誓亞佛護國為心所傳真言灌頂之道所建大
乘戒壇之檢祖師創闢專賴主神若不然而者何立
此業永鎮國家頃年度僧惣八箇人其六人者於
東塔院春秋試度惣為鎮國不指其一分其二人
者於西塔院春秋試度就中一人為賀茂明神分
一人為春日明神分主神獨无其分度僧實是闕
礼者也去貞觀二年擬奏斯由依違不言默而至
此自彼以來實崇類繁遂不言者恐神明怒且夫
毗盧遮那經者八萬法藏之肝心陀羅尼教之梁

實當作靈

三才錄卷五十一

棟也隨經義釋七百餘紙文理甚深局智難會而
舊置年分只是一人學徒久失大道猶噉又頂輪
王經者真言之樞機法城之門戶也所以祖師積
年就習甚得咒驗仍於延曆天子聖躬不豫之時
依經修法奉資寶祚山家之開泰莫不賴此功是
以東西弟子至今勤修圓珎伏見佛法中興莫過
兼和之聖代山神膺慶偏仰當時之鴻慈伏以王蒙
加度者二人為兩神之介解地主之結恨增護國
之冥威即以三月十七日與元初二人同共試度

三才格慶作
度

准河同

中納言三
位藤原朝臣
山陰直季勅
臣未表已上同
文見扶桑記

自餘事條任延曆弘仁兩朝之格又受戒之後每
日讀金剛般若經各卷誓願兩山奉護一天每
末恒奏卷數後試之日除金光明經並讀六卷止
觀者至此從之須准延曆二十五年正月二十六
日度三分僧格永以行之是夜始自戒一剋月有
冠纓左右為珎至于亥時為白暈氣及將消滅猶
有兩珎廿六日庚子延僧八十口於紫宸殿轉
讀大般若經限以三日廿九日癸卯晦前奏議
正四位下源朝臣光正月十九日丁未憂去職是

日有。勅以本宮起之。夏四月甲辰朔日有蝕之。令上野國例貢駒之外今年加貢五十疋。二日乙巳。天皇御紫宸殿聽朝賜宴侍臣左右近衛府迎奏音樂賜祿有差。三日丙午以散位從五位下清原真人今望為修理大井堰使六位已下二人以山城國正統稻七千四百二十三束七把宛其新。四日丁未廣瀨瀧田祭如常。五日戊申平野祭如常。六日己酉梅宮祭如常。天皇御大極殿遣參議正四位下行近江守源朝臣

美史幣字元而
已本有
又二作三

是忠於伊勢太神宮奉幣又分遣使者奉幣山城國八幡伊勢國多度近江國日吉駿河國淺間明神社。七日庚戌式部兵部兩省奏擬階短冊。天皇不御紫宸殿左大臣奉勅令省行之奉石清水八幡大菩薩宮幣使從二位行刑部卿基棟王到東京四條墮馬傷支躰不達神宮更遣從四位下行中務大輔兼加賀權守十世王奉之其幣物不改焉。十三日丙辰以大藏少輔從五位下清原真人有道為治部少輔宮內少輔從五位下

藤原朝臣世文為大藏少輔先是大藏省檢納諸
 國貢調給恩特甚是日有詔彼省右方檢校調
 物官人少輔已下錄已上並在遷少丞正六位下
 小野朝臣連峯為大學大允大丞正六位上平朝
 臣元行為少判事大錄正六位下御井原史淨氏
 為判事大屬小錄正六位上吉志未成為西市令
 史有道之遷治部丞坐此也大納言正三位兼行
 彈正尹藤原朝臣冬緒致仕抗表曰臣冬緒言臣
 懸車之期過歸臬之望弥深累年抗辭狀待謝

重圍而未通呼層昊而无聽臣舊老耆之德猥居
 獻納之官少不如人追感燭武之語老而弥老猶
 耻趙孟之談故流水不迴空起歎於川上漏箭已
 盡豈把罪於夜行伏念祿俸者士之所貪求也聖
 明者代之所希出也臣以八十年之殘息遇一千
 歲之惟新方當惜此下春之景圖彼上庠之宋疲
 駭解駕暫徘徊於層軒之前涼鷓鴣辭泉猶栖遲於
 廣廈之下而月制初迫氣力不隨心識之內邈如
 何山手足之間遠同楚越仰北闕而隔越辭東

三才實錄卷五

十五

岱而催歸魂，抚躬懷兢。於素餐之惶揣，今知歸
遑於青蒲之請伏，冀降油雲之澤感。枕石之祈
務帶，昉園歸步素里，收龍章之妄寵，就皮服而待
終。豈比掛冠都門，踈傳遺漢朝之榮貴，竊慕擊壤
野外，逸老樂堯年之餘生，无任慊之至。謹奉表
以聞。正三位行中納言兼民部卿陸奥出羽按察
使在原朝臣行平重抗表乞骸骨曰：臣行平言臣
重累表章，又覆祈請，愚誠難達。聖瞳未迴，適樂宜
喻。雖感亭音之仁，散布腹心，庶收號令之汗。臣留

畧 記 述

形於藥劑之中，就命於桑榆之際。老之方至，嗟呼
命。景况位望甚高，榮達之分有限。年毛已滿，危淺
之生不常。當陛下晏食宵寐之勞，微臣不勝趨
拜。願微臣尸位曠官之責，陛下必賜哀憐。臣匪
席之誠，豈卷舌於殘喘。臣結草之念，將酬恩於枯
骸。伏願陛下知臣赤心，察臣丹悃。塞魯流於一
日，勿奪宿志於匹夫。不任激切，悽之至。昧死拜
表以聞。詔並許。是日夜分有鳥无萬教，飛鳴
於大極殿上。十七日庚申，諸衛嚴啟，綠明日賀

天史嚴警作
警固

茂祭也是日京師訛言三日出其時在辰人皆向
 東而觀焉十八日辛酉賀茂祭如常十九日
 壬戌諸衛解嚴廿五日戊辰公卿就太政官曹
 司廳授文武官成選位記廿八日辛未天皇
 御武德殿閱覽諸牧御馬四府騎射如常儀五
 月甲戌朔五日戊寅端午之節天皇御武德
 殿觀覽四府騎射親王已下五位已上競走馬如
 常儀六日己卯天皇御武德殿覽左右馬寮
 競走馬四府騎射種々馬藝十一日甲申以中

古事記
 平群都
 又宿都
 者平群
 臣等祖
 也

納言從三位藤原朝臣山陰為兼民部卿四品行
 常陸太守貞行親王為彈正尹常陸太守如故右
 京人外從五位下備後介平群臣評春雄兄中務少
 錄正六位上平群臣評秋雄從父弟元位平雄臣評秋
 常春常等四人賜姓朝臣春雄自言祖出自都父
 宿祢矣十三日丙戌以從四位上行彈正大弼
 兼美作權守雅望王為神祇伯美作權守如故從
 五位下行伊勢介藤原朝臣直行為侍從勘解由
 次官從五位下兼行播磨權大掾菅野朝臣惟肖

三代實錄卷五十一

三八實錄卷五十一
為文章博士散位從五位下橘朝臣良實為玄番頭大藏大輔正五位下惟良宿祢高尚為民部大輔散位從五位下藤原朝臣邦直為刑部大輔散位從五位上小野朝臣春風為大膳大夫從四位下行民部大輔兼太皇太后宮權亮平朝臣惟範為彈正大弼權亮如故散位從五位下紀朝臣清臣為勘解由次官侍從從五位下源朝臣溫為伊勢介從四位上行神祇伯棟貞王為武藏權守散位從四位上源朝臣近善為越前權守從五位下

行肥前介藤原朝臣時佐為丹波權介從五位上守大膳大夫橘朝臣主雄為但馬守從四位下行美濃守藤原朝臣諸藤為備前權守十四日丁亥太上天皇於北邊馬埒亭觀覽騎射競走馬親王公卿各獻裝馬以備競走王公以下畢會是日始置守韓橘者二人以山城國係丁充之十六日巳丑常陸國正六位上菅田神授從五位下是日勅以山城國愛宕郡鳥部鄉柵原村地五町賜施藥院其四至東限德仙寺西限谷并公田

南限内藏寮支子園并谷北限山陵并公由施藥
院使等奏院所領之山元在彼村即是藤原氏之
葬地也依天慶八年十二月十六日詔被占入
中尾山陵之内是由氏人送葬之事既失其便請
賜此地依舊行事許之十九日壬辰石見国司
言上犯罪人前掾正六位上大野朝臣安雄脱禁
逃亡元慶八年推訢使式部大丞正六位上坂上
大宿祢茂樹禁固安雄付国司訖今依国司解状
下符山陽道請搜索焉廿日癸巳式部省奏諸

按國史少野
岑井弘仁
年山川送五位
上同六年山川
任陸奥守此条
為延曆中可
疑又田村倉
論委国史不
載之

国銓擬郡司擬文天皇不御前殿右大臣奉
勅於且陽殿西廂令從五位上守左少辨兼行式
部少輔藤原朝臣佐世讀其擬文大臣點定更奏
先是出羽守從五位下坂上大宿祢茂樹上言國
府在出羽郡井口地即是去延曆年中陸奥守從
五位上小野朝臣岑守據大將軍從三位坂上大
宿祢田村麻呂論奏所建也去嘉祥三年地大震
動形勢變改既成雲泥加之海水漲移迫府六里
所木川崩壞去渥一町餘兩端受害無力塞堙没

卷五十一

十九

之期在於旦暮望請遷建寂上郡大山鄉保寶士
野據其險固避彼危殆者太政大臣右大臣中納
言兼左衛門督源朝臣能有參議左大辨兼行勘
解由長官文章博士橘朝臣廣相於左伏頭召民
部大輔惟良宿祢高尚大膳大夫小野朝臣春風
左京亮藤原朝臣高松等問被遷國府之利害所
言參差同異難定更召伊豫守藤原朝臣保則以
高尚等詞問之保則言國司請非无理致保則高
尚等元任彼國吏應知土地之形勢故召問之太

政官因國宰解狀討覈事情曰避水遷府之議雖
得其宜去中出外之固因其便何者最上郡地在
國南邊有山而隔自河而通夏水浮舟終有運漕
之利寒嵐結凍曾无向路之期况復秋田雄勝城
相去已遙烽候不接又舉納秋饗國司上下必有
分頭入部率衆若赴沼水而後泝水面還有徵發
之煩更倍於尋常運送之費將加於黎庶晏然无
事之時縱能兼濟警急不虞之日何得周施以此
論之南遷之事難可聽許須擇舊府近側高敞之

地開月遷造不妨農務用其舊材勿勞新採官帳
之數不得增減勅宜依官職早令行之廿二
日乙未先是大炊寮助已下為寮宇多未負成所
吾與出納諸司積年犯用官米惣七百餘斛仍停
釐務令宮內大丞藤原在興少錄忍海令名行寮
家事是日以等博士正六位上大宅朝臣淨統為
兼大炊權允太政官史生從八位下九部福雄為
權少屬廿四日丁酉勅為仁明天皇女御
藤原氏於嘉祥寺修轉念切德觀新信濃調布二

第八親
玉者成
康親王
也

百端公卿以下參會行事女御者仁明天皇第
八親王之所生也廿六日己亥太宰府年貢鵜
鷄鳥元從陸道進之中間取海道以省路次之煩
寄事風浪屢致違期今依舊自陸道入貢景廿
八日辛丑勅以山城国乙訓郡大原野為太
上天皇遊獵之地廿九日壬寅晦地震六月
癸卯朔二日甲辰伊賀伊勢尾張伊豆近江美
濃越後丹後但馬出雲播磨備前備後紀伊阿波
讚岐伊豫土佐等十九国貢絹麻苧特甚不如昔

日、勅遣国掌探取正倉舊樣、給每国賜一足、依舊樣作鐵刀。五日丁未、先是出羽守從五位下坂上大宿祢義樹上言、国印刻刻落不堪行用、請被改鑄。由是命所司新鑄、賜之。勘解由使奏言、史生等繕原公文、終日執勤、差異諸司分番從事之例、望請准據民部主計主稅等省寮史生給長上糧米。勅依請、聽之。丹波国何麻郡人漢部妹乃自賣生、年十四、適秦貞雄生二男一女、貞雄死、後歷三十二年、常着素服、獨居虛室、无復再醮之情、均養男

本誤生
作王常
三之世
以福氏
系圖改
正

女、譬猶尸鳩、国司申請、以為節婦、表其門閭。勅叙位二階、免戶内田租、美濃国司上言、国分寺与方梵宇佛殿、一時成煨燼、席田郡定額、尼寺殿堂宏、廉令修。御願請、為国分寺許之。八日庚戌、從四位下行信濃守福朝臣良基卒、良基者左京人、參議從四位下常主孫、而拱津守安吉雄之子也。良基幼而篤學、早有風采、明練治躰、清正立己、仁壽三年、除左京少進、数年、遷民部少丞。天安之初、太宰大貳正躬王妙選僚屬、請良基及巨勢夏井

為以監良基以非其好爵不得志不肯之任
文德天皇發盛怒解却其官 清和天皇登祚自
觀元年用為木工少允數月遷為式部少丞尋轉
大丞六年春授從五位下拜伊豫權介政有能聲
號為稱職十一年加從五位上為常陸介秩滿之
後新司拘不放還十六年朝議以元負累擢為越
前守元慶元年進爵為正五位下拜丹波守以轄
理見紕六年爵至從四位下八年拜信濃守良基
治大歸於紕今守之體勸督農耕輕其租課民下

樂業家有贏儲貢調庸增益戶口為當時之寂時
人以脩良相許但情在進取不能以退素自守又
性強梁无所推至心之所惡雖云僚佐未必含忍
雪積怨之漸辱及家人為信濃守之時因人向官
愁訴家占數人為怨家所燒亡 詔遣使推之使
還奏良基對捍 詔使并故縱 詔使所禁之罪
人 勅召良基下於刑官未竟推勤而卒時六十
三良基雅素清貧家无守儲中納言在原朝臣行
平賻以絹布乃得殯葬惡良基經歷五国受叙之

史每上罷歸不載資教子孫以潔身有子男十一人第六子在公嘗問治國之道良基答曰雖有百術不如一清其率性清白如此矣 十一日癸丑禁中有孕婦胎傷穢由是停月次神會食祭焉自去五月霖雨至此未止京師飢饉開倉廩賑給兩京之絕之民去仁和元年九月七日內膳司奏停廢近江國筑摩御厨長并調丁是日 勅復舊充之以供御之事多致闕乏也 十三日乙卯次從五位下行內膳正今扶王為少納言散位從四位

下是行王為大學頭從五位上行右兵衛佐源朝臣元為大藏大輔本官如故散位從五位下藤原朝臣是蔭為宮內少輔從四位上行相摸守源朝臣平為大膳大夫散位從五位上弘道王為內膳正從五位上守大膳大夫小野朝臣春風為攝津權守從五位上行少納言兼侍從藤原朝臣諸房為信濃權守外從五位下行兼博士家原朝臣高鄉為播磨權大掾兼博士如故從五位下守大學頭藤原朝臣弘蔭為阿波守 十四日丙辰去十

委史未下有及字
又忽下有然字
學田可本位同
又人作大而諸
本作人
又死下有故字

一日依例可修月次神會食祭內裏有婦人胎傷之事仍隨停止但胎孕之後未三月是以今日欲行月次神會食祭之禮以內藏寮忽死大殺於建禮門前以停祭事廿日壬戌從四位上行太宰大貳源朝臣行有卒行有者文德天皇之皇子也母布勢氏天皇賜行有姓源朝臣貞觀十七年春授從四位上十九年拜美作守未幾遷周防權守元慶四年遷左京大夫六年遷為治部卿七年為美作守治部卿如故俄而遷兼武藏權守仁

和元年正月出為太宰大貳母憂去職數月詔以本官起之卒於官時年三十四廿三日乙丑霖雨始霽廿五日丁卯任相撲司以中納言從三位兼行左衛門督源朝臣能有參議正四位下行皇太后宮大夫藤原朝臣因經參議正四位下行近江權守藤原朝臣有實參議正四位下陸奧出羽按察使源朝臣是忠參議左大辨從四位上兼行勘解由長官文章博士橘朝臣廣相從四位上行美濃守源朝臣貞恒從五位上守左近衛少

兼使臣連間
有恒與往五
位下行左馬
助藤原朝臣
少臣字曰

將兼行讚岐介藤原朝臣高藤左衛門權佐從五位上源朝臣昇從五位上守左少辨兼行式部少輔藤原朝臣佐世從五位上行左兵衛權佐藤原朝臣連並為左司中納言從三位兼行民部卿藤原朝臣山蔭參議從三位源朝臣冷參議正四位下行播磨守源朝臣直參議正四位下行右衛門督兼美濃權守藤原朝臣諸葛大藏卿正四位下兼行信濃權守源朝臣定有從四位上行播磨權守源朝臣是負右近衛中將從四位下兼行木工頭

讚岐守平朝臣正範右近衛少將正五位下源朝臣湛正五位下行右衛門佐平朝臣季式從五位上守右兵衛佐源朝臣元從五位下行右馬佐在原朝臣載春齊院長官從五位下兼守右少辨近江權介源朝臣希為右司廿六日戊辰公卿於太政官曹司廳任諸國銓擬郡司宣制如常廿七日己巳自昨雷雨至今未止諸衛警陣雷電兩電况致交致水潦奔溢人通行電積地上移時不消廿九日辛未晦太政大臣侍殿上納言參議

侍仗下忽有雷大鳴諸衛陣於殿前賜太政大臣
及諸公卿祿諸府官人以下見奏者賜祿各有差
是日右兵衛將監正六位上在原朝臣遠瞻在致
仕中納言在原朝臣行平鴨河邊第震死遠瞻是
行平之子也於朱雀門前大穢如常 秋七月壬
申朔 二日癸酉夜地震 四日乙亥廣瀨龍田
祭如常 六日丁丑虹降東宮其尾竟天虹入內
藏寮是日綾綺仁壽南殿之間獲白龜一放神泉
苑是夜地震 十五日丙戌雨水奉進白馬於丹

生川上雨師神祈止霖雨也 十七日戊子左京
人從五位下行采女正時原宿祢春風賜朝臣姓
春風自言先祖出自秦始皇十一世孫切德王也
帶仲彥天皇四年歸化入朝奉獻玳瑁蠶種等左
京人右大史正六位上文部谷直忠直弟式部少
錄正六位上文部谷直永世男女合九人賜姓春
淵朝臣忠直自言大日本根子彥國牽天皇之後
與安倍朝臣同祖也今檢姓氏錄安倍朝臣之別
无文部谷直但後漢孝靈皇帝後坂上大宿祢等

之氏族有姓丈部谷直者也播磨国印南郡人散
 位從五位下佐伯直是繼改本居貫附山城国葛
 野郡大和国城下郡人右近衛將監正六位上私
 造萬福改本居貫右京四條三坊 廿五日丙申
 天皇御紫宸殿觀覽相撲 廿六日丁酉 天
 皇御紫宸殿覽相撲左右司通奏音樂光景既暮
 雜樂備舉 廿七日戊戌 天皇御紫宸殿觀覽
 左右相撲人體骨強弱之形其後擇拔喚其名令
 角撲スミイ元慶寺座主僧正法印大和尚位遍照奏

扶桑略
 記曰信
 濃国大
 山類崩
 山河溢
 流六郡
 城廬摧
 地漂流
 牛馬死
 及流死

言延替寺僧傳燈大法師位徽徽圓年六十二三久於
 遍照邊受學两部大法既訖請授真言傳法阿闍
 梨位梨勅聽之勅廿日辛丑申時地大震動經歷
 數尅震猶不止尅天皇出仁壽殿御紫宸殿南庭
 命大藏省立七丈幄幄為御在所諸司舍屋及東
 西京廬舍徃々顛覆顛厭敎者衆或有失神頓死者
 亥時亦震三度五畿内七道諸国同日大震官舍
 多損海潮漲陸溺死者不可勝計其中摂津国尤
 甚夜中東西有聲如雷者二二八月壬寅朔書夜

地震二度 二日癸卯晝地震二度 四日乙巳
 地震五度是日連智門上有氣如煙非煙如虹非
 虹飛上屬天或人見之皆曰是羽蟻也時人云古
 今未有如此之異陰陽寮占曰當有大風洪水失
 火等之灾焉 五日丙午晝地震五度夜大震京
 師人民出自廬舍居于衢路是日 勅元慶寺僧
 一人每年請興福寺維摩會聽衆立為恒例 六
 日丁未停釋奠之礼去月二十日木工寮將領秦
 千本檢校修造職院驚恐地震失神而死供祭所諸

司觸此穢也 七日戊申未時地震散位從四位
 上文室朝臣卷雄卒卷雄者右京人中納言從三
 位綿麻呂之第九子也先祖本姓文室真人中間
 為三諸朝臣至于綿麻呂大同四年文室朝臣姓
 云卷雄幼有勇力不好讀書便習弓馬尤善馳射
 文德天皇為儲貳之日卷雄為帶刀舍人天皇
 登極之後仁壽三年春為相摸椽未幾遷為右兵
 衛少尉俄轉大尉天安元年遷播磨大掾貞觀元
 年授從五位下三年除主殿權助四年遷為左衛

門佐八年遷左近衛權少將伊豫介明年春加從五位上頃之改權少將為少將數年為美濃守少將如故十五年叙正五位下十八年春進從四位下是年冬十二月自左近衛少將為伊豫權守元慶二年遷備前守三年爵至從四位上六年二月為因播權守後月遷相摸守之後不之任卷雄奏請被罷相摸守任男一人外吏詔依請以男房典為近江少掾卷雄身軀輕捷其有意氣嘗戲騰躍脚踏駕車牛額超越立於車後及為少將白晝

有狐走東宮屋上卷雄奔登拔劍斬之凡其驍勇過人皆此之類也又直侍仗下日夜不出宿衛之勤當時无雙卒時年七十八八日巳酉有羽蟻出大藏正藏院群飛竟天属于船岳其氣如虹九日庚戌地震十二日癸丑鷺二集朝堂院白虎棲豐樂院栖霞樓上陰陽寮占曰當慎失火之事十三日甲寅地震有鷺集豐樂院南門鷄尾上十四日乙卯子時地震十五日丙辰未時有鷺集豐樂殿東鷄尾上十六日丁巳寅時地

三代實錄卷五十一
原朝臣基經左大臣正二位源朝臣融右大臣從
二位兼行左近衛大將臣源朝臣多五九大納言正二
位兼行右近衛大將太皇太后宮大夫藤原朝臣
良世中納言從三位兼行左衛門督臣源朝臣能
有中納言從三位兼行民部卿臣藤原朝臣山蔭
參議從三位行右兵衛督臣源朝臣令參議正四
位下行左兵衛督臣源朝臣光參議正四位下行
播磨守臣源朝臣直參議正四位下行右衛門督
兼美濃權守藤原朝臣諸葛參議正四位下行皇

太后宮大夫臣藤原朝臣國經參議正四位下行
左近衛中將兼近江權守臣藤原朝臣有實參議
正四位下行陸奥出羽按察使臣源朝臣是忠參
議左大辨從四位上兼行勘解由長官文章博士
臣橘朝臣廣相等上表請立皇太子曰臣基經等
言乾分七耀仰前星以勝荒坤載重溟俯少海而
導澤是官以上官關揚和兼北祧之道克昌元良閱基守
器之方相屬故知百王御邦千帝膺圖莫不建儲
貳贊中肅經治伏惟皇帝陛下誕敷玄化啓迪紫

宸代太上天之憂勤答群下之欣載其慎一日雖休
萬方以寧四稔行及猶久虧太本未立元儲青宮
寂寥黔首翹望伏望憲章稽古建震坊昭宣天序
鍾慶於龍樓崇明國負效德於鷄朝臣等不勝悽
悽之至謹奉表以聞以從四位下良岑朝臣晨直
為內藏頭散位從五位下良峰朝臣時實為掃部
頭從五位下源朝臣澆為攝津介從五位下行山
城介橘朝臣高庭為石見守從四位下行內藏頭
和氣朝臣尋範為伊豫守從四位下行伊豫守藤

原朝臣保利為太宰大貳掃部頭從五位下藤原
朝臣興範為筑前守是夜子時地震 廿三日甲
子未時地震 廿四日乙丑丑時地震寅時亦震
廿五日丙寅 詔曰朕之諸兒皆錫朝臣之姓
斯誠節國用息民勞之計也今驚台列之昌言仰
思衽祐之重業天潢豈可无一派重華豈可无片
枝圓億兆之平安尋磐石於漢典占寰宇之固鎮
詠維城於周篇匪劉匪姬竟為其選第七皇子定
省年二十一便侍朕躬未曾出閣寬仁孝悌朕所

扶桑略 記曰九月二日 壬申奉 山城國 著野郡 後日邑 陵此非 三代實 錄舊文 何也序 云訖于 仁和三 年八月 丁卯於 則九月 事向聞 秋皇圖 以他書 所抄記 也

鍾憐前被混混弟之鴈行遽編一戶今欲傳祖宗之駿命何涉請任苟不為身誰嫌反許其削臣姓以列親王心星宜肖帝子之名公岳曷辭天孫之號廿六日丁卯天皇聖體乖豫是日口第七皇子諱為皇太子策曰天皇我詔肯萬勅命乎親主諸臣百官人等天下公民眾聞食止宣隨法尔可有岐政止志定省親王乎立而皇太子止定賜布故此之狀乎悟天百官人等仕奉止詔天皇我勅肯乎眾聞食止宣是日已二刻天皇崩於

扶桑略 記補

仁壽殿于時春秋五十八

右三代實錄幸年以類聚國史校補畢 類史校正諸本如左

甲本有德院大將軍勇四方所纂成者 乙本當時儒臣比校成編者 丙丁二本古而多闕 戊本保己一檢校所藏 己本昌成氏所藏 庚本松岡辰方所藏 辛本仙石政和家藏 本史四本 字同所本 溫古堂本三本

重以水戸校本校正畢 野口年長 嘉永七年四月 新居正方

三代實錄幸年行世印本文字訛謬傳寫錯脫今以中原家藏本參考群書以補以正其疑者細書贅頭為將來之左券 日本書紀 後日本紀 文德實錄 仁壽實錄 類聚國史 菅家文章 日本三代實錄卷第五十大尾 類聚三代格 後名類聚抄 江家抄 日本紀畧 杖末畧記

三代實錄卷五十一

三十四

東大寺要錄 經運部 都氏文集

元錦肆年歲次辛未正月或拾陸日

前推中納言尾三位水戶候源朝臣光因藏

右等寺以白鳥寺校之但從正月初日至八月廿日也

安政二年五月十三日

以白鳥寺古字頗善本也可恨

殿五百二十三重而已其潁川白鳥宮神主猪熊少進下部
方主藏本也

三代實錄跋

嘗聞史官注時事略有數等粹編則為

實錄昉於梁歷代歷缺本朝有文

德三代續三代實錄三代實錄者字

多醍醐兩朝大藏朝臣善行等奉

勅所撰也北野天神藤原朝臣時平

亦預編修詔詳序中官職雖衆惟大藏

朝臣之切居多天神嘗稱之寬平八

三代實錄
年奏狀云。修貞觀以來國史。載在文。莫
成立之時。其見稱如此。及諸朝堂。奉
進與時平俱之。始終有功者。此人也。東
山。允僕射。所謂實善行撰者。是也。蓋時
平生於鼎族。其威也。足率鸞鳳之群。故
以時平冠其首。正如昭宣公文德實錄。
故事。其書紀。清和。陽成。光孝。三
代事。可以知當時天運之淳渾。王道之

隆矣。誠萬世不刊之典也。惜乎遭建武
應仁之亂。蠹蝕塵埋。衍文錯簡。累有之
數百年後。一旦欲正之。難乎。書肆野田
周重。屬余。欲校正。加劄板行。余聞其議。
而是之。以為二三十年來。世有寫書之
商。藏本朝群書。筆耕以為養。好事者
就求之。商人所寫。不精詳。故三代實錄
亦文字日變。終至於不可知。甚可太息。

也。今摹印。則雖千萬紙。不_レ差乎。於是。不_レ論人之毀譽。一心願_レ國史之不朽。遂_レ聚數本。或證類聚國史。及諸書補其闕。正其誤。下_レ雌黃者。不可_レ枚舉。而後加_レ和_レ削。粗題_レ校正之大意。復_レ舊者。亦不_レ為_レ不多矣。然不得_レ舊本。諸書亦散亡不完。多_レ離校之詳。可_レ勝歎乎。已而周重開校。流傳久遠。三代實錄。叔行。此為_レ權輿也。自

今後。三代實錄。不_レ至於泯絕。悉_レ支疑。以_レ傳疑。聖人猶_レ及史之闕文也。余恐_レ三商三長不足。而風塵之無盡矣。庶幾後之君子。以是正之。

寬文十三年春三月晦日

松下見林謹述

蓬蒿舍藏版

林 權兵衛
北村四良兵衛
同 太 助

[Faint bleed-through text from the reverse side of the page, including characters like 蓬蒿, 舍, 藏, 版, 林, 權, 兵, 衛, 北, 村, 四, 良, 兵, 衛, 同, 太, 助]

[Small handwritten mark or signature in the bottom left corner of the left page]

